



Broj: 11-11-2-1789/26
Datum: 22.05.2026. godine

Na osnovu člana 41. stav (1) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2026. godinu, direktor Federalne uprave policije, d o n o s i

O D L U K U
o poništenju postupka javne nabavke
„Sukcesivna nabavka hrane za službene pse“

I.

Prihvata se prijedlog Komisije za provođenje konkurentskih i pregovaračkih postupaka nabavke, te se poništava postupak javne nabavke „Sukcesivna nabavka hrane za službene pse“, zbog dostavljanja nepravilne ponude od strane ponuđača „INTER-COM“ d.o.o. Zenica.

II.

Za izvršenje Odluke zadužuje se Sektor za finansije i javne nabavke.

III.

Odluka se objavljuje na internet stranici Federalne uprave policije istovremeno s upućivanjem iste ponuđaču koji je učestvovao u postupku nabavke, u skladu sa članom 70. stav (6) Zakona o javnim nabavkama.

IV.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Sukcesivna nabavka hrane za službene pse“, broj Obavještenja o javnoj nabavci: 1412-7-1-86-3-117/26 od 30.04.2026. godine.

Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 23.627,36 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2026. godinu, broj Rješenja o imenovanju: 11-11/4-30-2-1432 od 30.12.2025. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o poništenju postupka data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponude i ocjenu kvalificiranosti ponuđača o čemu je sačinjen odgovarajući zapisnik, u kojem je utvrđeno da je blagovremeno zaprimljena jedna (1) ponuda, i to od ponuđača „INTER-COM“ d.o.o. Zenica, te da nije bilo neblagovremeno zaprimljenih ponuda.

Uvidom u zaprimljenu ponudu, od strane Komisije je utvrđeno da je ista nepravilna, jer nije dostavljena u skladu sa tenderskom dokumentacijom, tj. ponuđač nije dostavio *original ili ovjerenu kopiju* traženih nalaza/potvrda, i to: *Nalaz, potvrdu ili sl. o izvršenom fizičko-hemijskom ispitivanju analitičkog sastava hrane izdat od strane akreditovanog tijela/laboratorije ili drugi dokument i Nalaz, potvrdu ili sl. o izvršenom mikrobiološkom ispitivanju hrane izdat od strane akreditovanog tijela/laboratorije ili veterinarski certifikat za hranu za životinje koja se uvozi u BiH.* Shodno tome, od strane Komisije je ugovornom organu data preporuka da se poništi postupak javne nabavke „Sukcesivna nabavka hrane za službene pse“.

Na osnovu naprijed navedenog, a primjenjujući odredbe člana 69. stav (1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od pet (5) dana od dana prijema ove odluke.

DIREKTOR,
GLAVNI GENERALNI INSPEKTOR POLICIJE



DOSTAVITI:

- Sektor za finansije i javne nabavke,
- Ponuđaču,
- a/a.-